

«ՎՐԱՍՏԱՆԸ» 100 ՏԱՐԵԿԱՆ Ե

ՇՆՈՐՀԱՎՈՐ ՏՈՆԴ, «ՎՐԱՍՏԱՆ»

(Սկիզբը՝ 1-ին էջում)

Ժողովուրդների միջեւ բարեկամության ամրապնդման եւ, բնականաբար, Վրաստանում ապրող հայերի՝ երկրի հասարակական-քաղաքական կյանքում ինտեգրման գործընթացի ակտիվացման գործում:

«Վրաստանի» դերի մասին խոսելիս, նաեւ ավելացնեմ, որ Վրաստանի խորհրդայնացման առաջին տարիներին, երբ վրացական մարզական թերթը դեռեւս գոյություն չուներ, վրաց եւ հայ մարզիկների այն ժամանակվա մարզական պատմությունը ողջ ծավալով ներկայացվում էր «Սովետական Վրաստան» (այժմ «Վրաստան») թերթում: Եվ տարիներ անց, հիմնվեց վրացական սպորտային «Լեւո» թերթը, այս կամ այն մարզաձեւի պատմությունը նկարագրելիս հաճախ ենք դիմել մեր հայ գործընկերների օգնությանը եւ պետք է առանձնակի նշեմ, որ նրանք միշտ

ընդառաջել են մեր խնդրանքին, մեզ տրամադրել անհրաժեշտ տեղեկատվություն:

«Վրաստանի» շնորհիվ «Լեւոն» կարողացավ համագործակցության սերտ կապեր հաստատել «Հայաստանի ֆիզկուլտուրնիկ» թերթի, ներկայումս գործող սպորտային խմբագրությունների հետ:

Վրացական սպորտի տարեգիր 87 տարեկան «Լեւո» թերթի խմբագրության անունից՝ ի սրտե շնորհավորում են «Վրաստան» թերթի մեր գործընկերներին պանծալի հորելյանի առիթով, մաղթում երջանկություն եւ ստեղծագործական հաջողություններ:

Շնորհավոր հորելյանդ, «Վրաստան»

ԹԵՆԳԻՉ ԳԱԶԵՆԻԱՆԵ

1985-2015 թթ. «Լեւո» թերթի գլխավոր խմբագիր, այժմ թերթի պատվավոր ժուռնալիստ, սպորտի վաստակավոր գործիչ

ՄԻՇՏ ԱՆՀԱՄԲԵՐ ՄՊԱՍՈՒՄ ԵՄ «ՎՐԱՍՏԱՆԻ» ՀԵՐԹԱՎԱՆ ՀԱՄԱՐԻՆ

(Սկիզբը՝ 1-ին էջում)

Նման այցերից հետո, ինչ անկնկալիքներով էինք բացում թերթի հերթական համարը, տեսնես, ի՞նչ գրած կլինեն մեր գյուղի մասին: Եվ ուրախանում ու հպարտանում էինք, երբ թերթի էջերից մեզ էին նայում մեր համագյուղացիները, ազգական-բարեկամները...

Ցավոք, 90-ական թվականներից մեր, առաջին հայացքից սերտ կապը թերթի հետ, կարծես կտրվեց, թեւեւ առանձին մարդկանց ջանքերով «Վրաստանը», թեպետ ուշացումներով, հասնում էր Ղուշչի եւ յուրաքանչյուր համարը, ինչպես նախկինում, դառնում էր ընդհանուր քննարկման առարկա:

Այսօր ապրում են Ռուսաստանում, Կրասնոդարի երկրամասում, թեպետ տասնամյակներով ամրագրված սերը «Վրաստանի» նկատմամբ, կրկին իրեն զգացնել է տալիս: Հավանաբար, հենց դրանով է պայմա-

նավորված այն, որ դուստրս, Թբիլիսիում, թիվ 103 հանրային դպրոցի հայոց լեզվի եւ գրականության ուսուցչուհի Լուիզա Սուրադյանը, իմ խնդրանքով խնամքով հավաքում է «Վրաստան» թերթի լույս տեսնող բոլոր համարները եւ, ըստ հնարավորության, առաքում է ինձ: Դժվար է խոսքերով ներկայացնել ուրախությունը, որը ապրում են, երբ թերթերի կապոցը տեղ է հասնում: Արտակարգ երախտապարտ են դստերս՝ ինձ նման ուրախություն պարգևելու համար: Երախտապարտ են «Վրաստանի» աշխատակիցներին, ովքեր, հաղթահարելով դժվարությունները, կարողանում են պատվով կատարել իրենց գործը, ընթերցողին հասցնել թերթի հերթական համարը:

Շնորհակալություն եւ հաջողություն ձեզ, բարեկամներ: Լավ գործ եք անում, այդպես շարունակեք:

ՍԱՆՊԻԻՍ ՆԱԼԲԱՆՅԱՆ
Կենսաթոշակառու

ՀԱՐՑԱԶՐՈՒՅՑ

ԷՄԻՆ ՍԱՐԳՍՅԱՆԸ՝ «ՄՓՅՈՒՌԷԻ ԵՐԻՏԱՍԱՐԴ ԴԵՄՊԱՆ»

Հայաստանի սփյուռքի գործերի գլխավոր համձնակատարի գրասենյակը, «Ջինիշյան» հիշատակի հիմնադրամի հովանավորությամբ, առաջին անգամ իրականացրեց «Սփյուռքի երիտասարդ դեսպան» մեկամյա ծրագիրը: Ստեղծվեց սփյուռքից ժամանած երիտասարդների ընդլայնված մերկայացվածություն՝ դիմամիկ ցանց, որի նպատակը Հայաստան-Սփյուռք հարաբերություններում երիտասարդ ներուժի ներգրավումն ու ակտիվացումն է: Վրաստանից այդ կառույցում երիտասարդ դեսպան ընտրվեց Թբիլիսիի Իլիայի պետական համալսարանի հանրային քաղաքականության վարչարարության ֆակուլտետի մագիստրատուրայի ուսանող, Վիրահայոց թեմի երիտասարդության հարցերի բաժնի աշխատակից Էմին Սարգսյանը:

Այսօր Էմինը «Վրաստանի» հյուրն է: Խոսել ենք ծրագրի մանրամասների, իր պարտականությունների եւ ընդհանրապես երիտասարդության, Վրաստանի, վրաց հասարակություն ինտեգրվելու թերեւս ամենակարեւոր նախապայմանների մասին:

- Ծնվել եմ Թբիլիսիում, - իր մասին պատմում է Էմինը. Հավաքաբարում գտնվող թիվ 98 միջնակարգ դպրոցի շրջանավարտ եմ: Ավարտել եմ Իլիայի պետական համալսարանի միջազգային հարաբերությունների ֆակուլտետի բակալավրիատն ու ընդունվել նույն համալսարանի մագիստրատուրան: Շատ հետաքրքիր ֆակուլտետ է: Ու մասնավոր, որ մշտապես ցանկություն եմ ունեցել աշխատել միջազգային կազմակերպություններում, կառավարական ու ոչ կառավարական կառույցներում: Համոզված եմ, մեր բարձրակարգ դասախոսների շնորհիվ, Վրաստանն ունենալու է հանրային քաղաքականության բնագավառում գործող մասնագետների նոր ու առավել բանիմաց սերունդ:

- **Իսկ դժվար չէ՞ վրաց լեզվով ուսումնառությունը...**

- Չնայած նրա, որ հայ եմ, ռուսական դպրոցի շրջանավարտ, այս փուլում ամենից լավ հենց վրացերենին եմ տիրապետում: Վրացերենով խոսելու, շարադրելու, հաղորդակցվելու եւ արտահայտվելու խնդիր բացարձակապես չունեմ: Ես ընդհանրապես համոզված եմ, որ վրացերենի իմացությունը պարտադիր է Վրաստանի յուրաքանչյուր քաղաքացու համար՝ անկախ ազգային պատկանելությունից: Ցանկացած երկրի քաղաքացի, պետք է պարտադիր տիրապետի պետական լեզվին: Պետք է կարողանաս իր պետության մեջ, իր պետական լեզվով խոսել, գրել, կարդալ ու ցանկացած հարց լուծել հենց պետական լեզվի միջոցով: Ես ունեմ բազմաթիվ վրացի ու այլազգի ընկերներ, մտերիմներ, համակուրսեցիներ, դասախոսներ: Նրանց հետ ամենօրյա շփում ունեմ: Անկեղծ ասած, երբեք չենք կենտրոնացել ազգության վրա: Անձամբ ինքս էլ երբեք չեմ տարբերել հայ կամ վրացի ընկերներին: Երբեք խտրականություն չեմ զգացել ու կարծում եմ, լիարժեք ինտեգրված եմ վրաց հասարակություն, ուր իմ «հայ» լինելը երբեք խնդիր չի հանդիսացել:

- **Այդուհանդերձ, ասում են, որ ոճանք ինտեգրվելով վրաց հասարակություն, հեռանում եմ հայկականից, մանավանդ, եթե հայկական դպրոցի շրջանավարտ չեմ:**

- Երբեմն ինքս ինձ հարցնում եմ. ի՞նչ կլինեք, եթե ավարտեի հայկական դպրոց ու միշտ նույն պատասխանն եմ ստանում՝ կանեի այն, ինչ անում եմ, կլինեի այնպիսին, ինչպիսին կամ: Հետեւաբար, եկել եմ այն եզրակացության, որ ամեն ինչ կոնկրետ անձի ձեռքում է ու հիմնականում կարելու չէ, թե որ դպրոցի շրջանավարտ ես: Ես շնորհակալ եմ իմ հարազատ թիվ 98-ին: Ուսումնառության տեսանկյունից չեմ զղջում, որ ռուսական դպրոց եմ ավարտել, քանի որ իմ դպրոցն ունի բացառիկ ակադեմիական անձնակազմ: Բայց եւ չեմ թաքցնի. երբեմն մտածում եմ, որ իմ ներկայությամբ միգուցե հերթական հայկական դպրոցը չփակվեր, որովհետեւ գաղտնիք չէ հայկական շատ դպրոցներ, իմ կարծիքով, Վրաս-



տանում փակվեցին այն պատճառով, որ ծնողները գերադասում էին իրենց երեխաներին տանել ռուսական դպրոց, ինչպես իմ ծնողները: Այո, նրանք ծնվել են Թբիլիսիում ու ավարտել ռուսական դպրոց, չնայած երբեք չեն հեռացել հայկական իրականությունից, տանը փորձել են հայերեն խոսել: Իսկ հետո բերել են ինձ «Հայարտուն»՝ գիր սովորելու եւ պատմություն իմանալու համար: Երկու տարի անց սկսել եմ գրել ու կարդալ հայերեն: Հիմա նաեւ՝ մտածել:

- **Փաստորեն, աշխատանքային առաջին քայլերդ հենց Վիրահայոց թեմում ես սկսել:**

- Այո, 2012 թվականից Վիրահայոց թեմը, «Հայարտունը» կյանքիս անբաժան մասն են՝ դեռ որպես կամավորի, հետո, ինչպես ասում են «ակտիվիստի», ով ամեն տեղ եւ ամեն ինչում մասնակցություն էր ունենում: Երիտասարդական տարբեր ծրագրերին, Վրաստանում ու Հայաստանում տարվող տարբեր համաժողովներին, երիտասարդական հավաքներին, կրթական ու գիտական միջոցառումներին: Արդեն 2019-ից սկսեցի աշխատել Վիրահայոց թեմում եւ ավելի ակտիվ լծվեցի աշխատանքին: Երկու տարի «Ջինիշյան» հիշատակի հիմնադրամի «Քաղաքացիական երկխոսություն եւ գործնական քայլեր փոփոխությունների համար» ծրագրի մեներջերն էի, որի շրջանակներում իրականացրել ենք բազմաթիվ հետաքրքիր միջոցառումներ, թեմատիկ համոդակումներ: Իսկ նախքան համավարակը, նախաձեռնեցիք «Ես Վրաս-

տանի քաղաքացի եմ» ծրագիրը, նկարահանեցիք փոքրիկ ֆիլմեր երկրի հաջողակ հայ երիտասարդների մասին, որոնք ապրում են տարբեր շրջաններում եւ ինտեգրված են երկրի կյանքին: Ցավոք, համավարակի պատճառով, ստիպված էինք հետաձգել մեր ծրագրերը եւ որոշ շափով պասիվանալ նաեւ:

- **Եթե մի կողմ դնենք համավարակը, որքանո՞վ են ակտիվ այսօր վիրահայ երիտասարդները:**

- Եթե հաշվի առնենք, թե որքան հայ երիտասարդ է ապրում, օրինակ՝ Թբիլիսիում ու որքանը մասնակցում համայնքային կյանքին, ուրեմն՝ բավական պասիվ: Ես ուրախ եմ, որ բացի մեր բաժնից, երիտասարդների համախմբման գործում մեծ դեր ունեն Վրաստանում գործող հայկական հասարակական կազմակերպությունները եւս: Բայց փաստը մնում է փաստ, այնտեղ կամ այստեղ նույն երիտասարդներն են ակտիվություն ցուցաբերում այս կամ այն համայնքային միջոցառմանը:

- **«Սփյուռքի երիտասարդ դեսպան» ծրագիրը նաեւ երիտասարդության ակտիվացման ու ինքնադրսեւորման նպատակ է հետապնդում, մանրամասնիր խնդրում եմ:**

- Նախ ասեմ, որ ծրագրին դիմել էր 103 սփյուռքահայ երիտասարդ՝ 24 երկրից: Անցկացվեց հարցազրույց եւ կայացավ ընտրություն: Ընտրված դեսպանները քսանն ենք՝ աշխարհի 16 երկրից՝ Արգենտինա, Կանադա, Լիբանան, Իսրայել, Վրաստան, Ուկրաինա, Բելառուս, Ռուսաստան, Բելգիա, Ֆրանսիա, Նիդերլանդներ, Գերմանիա, Շվեդիա, Իսպանիա, Ավստրիա, Մեծ Բրիտանիա: Ինչ խոսք, այն, որ Վրաստանի մի քանի թեկնածուներից ընտրվել են հենց ես՝ ուրախալի լինելով հանդերձ, մեծ պատասխանատվություն է ենթադրում: Հայաստանում երկու շաբաթների ընթացքում հնարավորություն ունեցանք հանդիպել կառավարական ու ոչ կառավարական ատյանների, մշակույթի, բիզնեսի ու ՏՏ ոլորտի ներկայացուցիչների հետ, մասնակցեցիք տարբեր թրեյնինգների, դասընթացների: Ծանոթացանք այն ծրագրերին, որոնք կարող ենք իրականացնել յուրաքանչյուրս մեր համայնքում՝ ամրապնդելու համար ոչ միայն Հայաստան-Սփյուռք, այլեւ ամձամբ իմ պարագայում Հայաստան-Սփյուռք-Վրաստան կապը: Ծրագիրը նպատակ ունի օգտագործելու մեր տաղանդավոր երիտասարդների ներուժը, որը կարող է նպաստավոր լինել Հայաստանի եւ Վրաստանի համար:

- **Շնորհավորում եմ Էմին, բայց ասեմ, որ բազմակարծության ու երիտասարդների բարձր զարգացվածության դարում, ուր ամեն մեկն անհատ է ու եթե ոչ՝ առաջնորդ, դժվար է համակարգելը, ներկայացնելը, ուղղորդելը...**

- Մեկ տարի ունեմ ուժերս փորձելու համար: Համավարակի պատճառով հանդիպումներն ու ծրագրերը միգուցե առցանց լինեն: Նոյեմբերին նախատեսում եմ հանդիպում անցկացնել, մեծ նշանակություն տալով շրջաններում ապրող մեր երիտասարդներին, փոխանցելու եմ ստացած գիտելիքներս ու քննարկելու ենք անելիքները, խնդիրները: Հուսով եմ, իմ նպաստը կբերեմ Վրաստանին ու Հայաստանին: Մենեջերի, ծրագրի ղեկավարի որոշակի փորձ արդեն ունեմ ու նախորդները հաջողեցրել են, կարծում եմ, այս մեկն էլ կստացվի: Ես միշտ համոզված եմ, որ հաջողության հասնելու համար ցանկությունից ու աշխատասիրությունից բացի, մարդկանց հետ շփման կարողություն ու համարձակություն է հարկավոր:

ԳԱՅԱՆԵ ԲՈՍՏԱՆՅԱՆ

COVID - 19

ԻՐԱԿԼԻ ՂԱՐԻԲԱՇՎԻԼԻ. «ԻՐԱՎԻՃԱԿԸ ՏԱԳՆԱՊԱՆԻ Է, ԹԵՏՎ, ՈՐՊԵՍ ՎԱՐՉԱՊԵՏ, ԹՈՒՅԼ ՉԵՄ ՏԱ ՊԱՐՏԱԴԻՐ ՊԱՏՎԱՍՏՈՒՄ»

(Սկիզբը՝ 1-ին էջում)

Պարտադիր պատվաստման դեմ կտրականապես համոզեմ եկավ վարչապետ Իրակլի Ղարիբաշվիլին:

- Որպես համակարգող խորհրդի նախագահ եմ վարչապետ՝ ես թույլ չեմ տա պարտադիր պատվաստում,- հայտարարեց նա՝ հավելելով, որ քաղաքացիներին նորից պետք չէ ստիպել, պետք է պարզապես համոզել, որ պատվաստումը միակ, ոչ այլընտրանքային լուծումն է:

- Ուզում եմ միանշանակ ասել, որ ես՝ որպես համակարգող խորհրդի նախագահ եմ վարչապետ,

թույլ չեմ տա պարտադիր պատվաստում: Մեր քաղաքացիներն ունեն ազատ ընտրության իրավունք եւ հնարավորություն: Ես արել եմ ամեն ինչ, որպեսզի ժամանակին հասցնեմ ավելի քան բավարար պատվաստանյութ, երկիր բերվեց միլիոնավոր պատվաստանյութ, եւ ամենամեծ ներգրավված էի բանակցային գործընթացում: Եվ մեկ անգամ կրկնեմ, որ Վրաստան եմք բերել բոլոր տեսակի պատվաստանյութեր: Մենք պետք է համոզենք եւ ոչ պարտադրենք մեր քաղաքացիներին, մենք պետք է նրանց համոզենք, որ պատվաստումը միակ, ոչ այլընտրանքային լուծումն է,- ընդգծեց Իրակլի Ղարիբաշվիլին:

ԱՄԻՐԱՆ ԳԱՄՂՐԵԼԻՁԵ. «ՊԱՏՎԱՍՏՈՒՄՆԵՐԻ ՄԱԿԱՐԴԱԿԸ ԲԱՎԱՐԱՐ ՉԷ»

(Սկիզբը՝ 1-ին էջում)

- Եթե մենք չբարձրացնենք իմունիզացիայի մակարդակը, կունենանք վիրուսի նման երկամսյա փուլեր, իսկ դա, ցավոք, վնասակար կլինի,- Համակարգող խորհրդի միստից հետո ասել է Ամիրան Գամդրելիձեն:

Համաձայն պատվաստումների գործընթացի մեկնարկից առաջ Վրաստանի կառավարության կողմից կազմված իմունիզացիայի ծրագրի՝ Վրաստանում չափափաս բնակչության 60 տոկոսը պետք է պատվաստվի կորոնավիրուսի դեմ պատվաստանյութով: Ամիրան Գամդրելիձենի

հաշվարկներով, այս պահին կարող է իրականացվել, եթե երկու ամսվա ընթացքում օրական 17-20 հազար պատրաստում արվի:

Ըստ Հիվանդությունների վերահսկման ազգային կենտրոնի ղեկավար Ամիրան Գամդրելիձեի, հաջորդ խրախուսական միջոցառումների ծրագիրը հաջորդ երեքշաբթի կներկայացվի համակարգող խորհրդին՝ պատվաստումների մակարդակը բարձրացնելու նպատակով:

- Ծրագիր կա, թե ինչ եմք անելու: Հաջորդ երեքշաբթի մեր խնդիրն է, բացի մեր սկսած մա-



րաթոնից, ներկայացնել եւս մեկ խրախուսական միջոցառում՝ պատվաստումների մակարդակը բարձրացնելու համար, որպեսզի համակարգող խորհուրդը որոշումներ կայացնի,- նշել է Ամիրան Գամդրելիձեն:

ԿՈՐՈՆԱՎԻՐՈՒՍ.

ԱՆԽԱՐՀՈՒՄ ՎԱՐԱԿՎԱՍՏՆԵՐԻ ԹԻՎԸ ԳԵՐԱՉԱՆՅԵՑ 246 ՄԻԼԻՈՆԸ

COVID-19-ի հաստատված դեպքերի թիվն աշխարհում հասել է 246 322 610-ի: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 4 997 270-ը: Ապաքինվել է 223 186 053 մարդ:

Վարակվածների թվով աշխարհում առաջին տեղում ԱՄՆ-ն է, որտեղ կա հաստատված 46 685 145 դեպք: Այստեղ մահացածների թիվը 763 784 է, երկրորդ տեղում Հնդկաստանն է, որտեղ հաստատված դեպքերի թիվը հասել է 34 246 157-ի, մահացածների՝ 457 221-ի:

Վարակվածների թվով հաջորդ տեղում Բրազիլիան է: Այստեղ վարակվել է 21 781 436, մահացել՝ 607 125 մարդ: Մեծ Բրիտանիայում կորոնավիրուսով վարակվել է 8 936 155, վարակի հետեւանքով մահացել՝ 140 206 մարդ: Մեծ Բրիտանիային հաջորդում են Ռուսաստանը, Թուրքիան, Ֆրանսիան, Իրանը, Արգենտինան ու Իսպանիան:

Հայաստանում, ընդհանուր առմամբ, վարակվածների թիվը հասնում է 302 450-ի, մահացածներինը՝ 6 189-ի, ապաքինվածների՝ 264 678-ի:

Ադրբեջանում վարակվածների թիվը 524 788 է: Վարակից մահացել է 6 995, ապաքինվել՝ 489 032 մարդ:

Վրաստանում, վերջին տվյալներով, վարակվել է 711 255, մահացել՝ 9 961, ապաքինվել՝ 652 505 մարդ:

Հոկտեմբերի 29-ին կորոնավիրուսով վարակման 3 965 մոր դեպքերից 1 416-ը Թբիլիսիում է, Աջարիայում՝ 161, Իմերեթիում՝ 753, Քվեմո Քարթլիում՝ 325, Շիդա Քարթլիում՝ 290, Գուրիայում՝ 115, Սամեգրելո-Ջեմո Սվանեթիում՝ 271, Կախեթիում՝ 427, Սքխեթա-Մթիանեթիում՝ 78, Ռաճա-Լեչխումիում եւ Քվեմո Սվանեթիում՝ 34, Սամցխե-Ջավախեթիում՝ 95:

Հոկտեմբերի 29-ի դրությամբ մահացել է 43 մարդ:

ԶԳՈՒՆՅԵՔ. ՅՈՒՐԱՔՍՆՉՅՈՒՐ 24 ԺԱՄՎԱՆ ԸՆԹԱՅՔՈՒՄ ՎՐԱՍՏԱՆՈՒՄ ԿՈՎԻԴԻՅ ՄԱՆՆՈՒՄ Է ՀՈՒՐԶ 40 ՄԱՐԴ

ԼՐԱՅՈՒՅԻՉ ԴԵՂԱՉԱԾԻ, ԱՅՍՊԵՍ ԿՈՉՎԱՏ «ԲՈՒՄՏԵՐԻ» ԴՈՉԱՅԻ ԿԻՐԱՌՈՒՄԸ ՀԱՎԱՆՈՒԹՅԱՆ Է ԱՐԺԱՆԱՅԵԼ

Վրաստանի Առողջապահության նախարարի տեղակալ Թամար Գաբունիան հայտարարություն է տարածել կորոնավիրուսի վարակի դեմ պատվաստման՝ այսպես կոչված «բուստեր» դրձայի մասին: Ըստ տեղակալի, երկրի իմունիզացիայի խորհուրդը հավանություն է տալիս կորոնավիրուսի դեմ պատվաստանյութի լրացուցիչ՝ Booster (խթանիչ) չափաբաժնի օգտագործմանը:

- Խորհուրդը հավանություն տվեց բուստերային դրձայի օգտագործմանը՝ 50 տարեկանից բարձր անձանց համար, երկրորդ պատվաստումից 6 ամիս անց, ինչպես նաեւ քրոնիկ հի-

վանդություն ունեցող ցանկացած տարիքի եւ բարձր ռիսկի գոտում գտնվող անձանց եւ բժշկական անձնակազմի համար, ինչպես նաեւ նրանց համար, ովքեր աշխատում կան ապրում

եւ փակ հաստատություններում,- ասաց Թամար Գաբունիան եւ հավելեց, որ խորհուրդը արտերկիր մեկնող քաղաքացիներին թույլատրում է վերապատվաստվել տվյալ երկրի կողմից ընդունված պատվաստանյութով, ընդգծելով, որ համաձայն Հիվանդությունների վերահսկման ամերիկյան կենտրոնների առաջարկության՝ այլ պատվաստանյութով պատվաստումը թույլատրվում է առաջին պատվաստ-

ման ավարտից 28 օր հետո: Նրա խոսքով, Վրաստանի դեպքում նույնպես կարելի է օգտագործել այս առաջարկությունը, թույլատրել այդ անձանց պատվաստվել նաեւ այն պատվաստանյութով, որը նրանցից խնդրել են ճանապարհորդության կամ գործնական նպատակների համար: Դա կարող է լինել «Pfizer»-ը կամ ցանկացած այլ պատվաստան-



յութ, որը ճանաչվում է մեկնման երկրում:

ԱՄԻՐԱՆ ԳԱՄՂՐԵԼԻՁԵՆ ԱՆԱԼՔԱԼԱՔԻ ԵՎ ՆԻՆՈՇՄԻՆՊԱՅԻ ՄՈՒՆԻՑԻՊԱԼԻՏԵՏՆԵՐՈՒՄ ԱՆԱԼՔԱԼԱՔԻՈՒՄ, ՆԻՆՈՇՄԻՆՊԱՅԻՈՒՄ ԵՎ ԱՆԱԼՅԻՍԵՆՈՒՄ ՊԱՏՎԱՍՏՈՒՄՆԵՐԻ ՆՎԱՉ ԹԻՎԸ ՏԱԳՆԱՊԱՆԱՐՈՅՑ Է

Տարածաշրջաններում հոկտեմբերի 18-ից մեկնարկած «Պատվաստման մարաթոնի» ծրագրով, հոկտեմբերի 28-29-ին, Սամցխե-Ջավախեթի տարածաշրջանի բոլոր մունիցիպալիտետներում պատվաստման գործընթացի իրականացման շրջանակներում, Վրաստանի հիվանդությունների վերահսկման ազգային կենտրոնի ղեկավար Ամիրան Գամդրելիձեն այցելեց Ախալքալաքի մունիցիպալիտետի Դիլիսկա գյուղի եւ Նինոծմինդայի մունիցիպալիտետի Գանձա գյուղի բժշկական կենտրոններ:

Հոկտեմբերի 28-ին Ամիրան Գամդրելիձեն եղավ Նինոծմինդայի մունիցիպալիտետի Գանձա գյուղի բժշկական կենտրոնում, որտեղ այդ օրը COVID-19-ի դեմ պատվաստվեց 5 հոգի, 4-ը՝ «Pfizer»-ով, 1-ը՝ «Sinovac»-ով: Պատվաստումից առաջ պատվաստվել ցանկացողներն անցել էին հակազենի արագ թեստավորում:

Ապա, Ամիրան Գամդրելիձեն այցելեց Ախալքալաքի մունիցիպալիտետի Դիլիսկա գյուղի բժշկական կենտրոն, որտեղ երկրորդ օրն անընդմեջ անցկացվում էր «Պատվաստման մարաթոնը», թեպետ, այդ երկու օրվա ընթացքում, ոչ մի պատվաստում չէր կատարվել: Գյուղի բուժկենտրոնում հակազենի արագ թեստավորում է անցել ոչ միայն Դիլիսկայի, այլեւ հարեւան բնակավայրերին միայն 80 բնակիչ:

- Կարծում եմ, բուժկետի պայմաններ-



Ամիրան Գամդրելիձեն Գանձայում

ը համապատասխան չեն, պետք է կազմակերպել բնակիչների տեղափոխումը շրջկենտրոն, որպեսզի այնտեղ պատվաստվեն, մինչեւ այստեղ կբարեկարգվի,- ստեղծված իրավիճակը այսպես պարզաբանեց Ամիրան Գամդրելիձեն:

Ավելացնենք, որ տեղացիների հետ

հանդիպմանը, պատասխանելով հարցին, թե ինչու է օտարերկրացիների պատվաստումը թույլատրելի միայն Թբիլիսիում, Քութայիսիում եւ Բաթումիում, Ամիրան Գամդրելիձեն խոստացավ բարձրացնել Ախալքալաքիում եւս նման պատվաստում անցկացնելու հարցը:

- Ես այդ հարցը կբարձրացնեմ Ինունացման խորհրդում: Կարծում եմ, մենք կլուծենք այդ հարցը: Եթե պաշտոնական մամուլի մի Ախալքալաքիի եւ Նինոծմին-

ծաշրջանային այցի շրջանակներում, Ամիրան Գամդրելիձեն այցելեց նաեւ Ասպինձա, Ախալցխիս, Ադիգենի եւ Բորժոմի:

Հիշեցնենք, որ NCDC-ն COVID-19-ի դեմ պատվաստման մարաթոնի շրջանակներում նախատեսվում է ընդհանուր առմամբ ընդգրկել 49 գյուղ:

Ախալքալաքիում գտնվելու ժամանակ, մեզ հետ հեռախոսազրույցի ընթացքում, Ամիրան Գամդրելիձեն խոր մտախոհություն հայտնեց Ախալքալաքիում եւ Նինոծմինդայում պատվաստումների նվազ թվի կապակցությամբ, եւ թերթի խմբագրությանը խնդրեց առա-



Ամիրան Գամդրելիձեն Դիլիսկայում

վել մամուլն ու եղել է կատվություն ներկայացնել տեղի բնակիչներին՝ պատվաստումների ամ-

րաժեշտության վերաբերյալ:

Խորագիրը պատրաստեց ԱՐԵՎԻԿԱ ՄԱՆՈՒԿՅԱՆԸ

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶՊՐԵՍԻ ՆՅՈՒԹԵՐՈՎ

ՆԻԿՈԼ ՓԱՇԻՆՅԱՆ. «ՏԱՐԱԾԱՆԵՐԶԱՆՈՒՄ ՏՆՏԵՍԱԿԱՆ ԵՎ ՏՐԱՆՍՊՈՐՏԱՅԻՆ ԵՆԹԱԿԱՆՈՒՅՑՆԵՐԻ ԲԱՅՈՒՄԸ ԴՐԱԿԱՆ ԱԶԴԵՅՈՒԹՅՈՒՆ ԿՈՒՆԵՆԱ»

(Սկիզբը՝ 1-ին էջում)

Վարչապետն անվտանգության համակարգի զարգացման իմաստով կարելի է ոչ միայն բանակի պաշտպանական կարողությունների արդիականացումը, այլև Ֆայաստանի շուրջ բարենպաստ արտաքին միջավայրի ձևավորումը, Ֆայաստանի, Արցախի եւ տարածաշրջանի համար խաղաղ զարգացման դարաշրջան բացելու օրակարգի հե-

տեղողական իրադրությունը:

- Դա մենք տեսնում ենք մեր տարածաշրջանում թշնամանքի հաղթահարման, ԼՂ հակամարտության կարգավորման նպատակով ԵԱՀԿ Մինսկի խմբի համաձայնագրային ձևաչափով բանակցային գործընթացի վերականգնման, տարածաշրջանային տնտեսական եւ տրանսպորտային ենթակառուցվածքի ապաշրջափակման միջոցով,- ասաց Նիկոլ Փաշինյանը:

ՀԱՅԱՍՏԱՆԻ ՆԱԽԱԳԱՀԻ ՊԱՏՄԱԿԱՆ ԱՅՅԸ ՍԱՌԴՅԱՆ ԱՐԱԲԻԱ

Հոկտեմբերի 27-ին Ֆայաստանի նախագահ Արմեն Սարգսյանը նորանկախ Ֆայաստանի պատմության մեջ առաջին անգամ է կատարել արաբական եւ իսլամական աշխարհի առանցքային երկրներից մեկը՝ Սաուդյան Արաբիա:

Այցի շրջանակում, Ֆայաստանի նախագահն այցելել է «Ապագա ներդրումային նախաձեռնություն» (Future investment initiative) 5-րդ համաժողով:

Համաժողովին մասնակցել են բազմաթիվ երկրների ղեկավարներ, կառավարությունների անդամներ, հայտնի անդրազգային եւ համաշխարհային խոշոր ընկերությունների ղեկավարներ ու գործարարներ:

Արմեն Սարգսյանը Սաուդյան Արաբիայի թագաժառանգ, փոխվարչապետ,

պաշտպանության նախարար Մուհամեդ բին Սալմանի հետ ներկա է եղել համաժողովի բացման արարողությանը:

Հայաստանի նախագահը եւ Սաուդյան Արաբիայի թագաժառանգը զրուցել են երկու երկրների միջեւ հարաբերությունները զարգացնելու անհրաժեշտության եւ դրանց ապագայի շուրջ:

Նշվել է, որ երկու ժողովուրդների միջեւ պատմական հարուստ առնչությունները լավ հիմք են ապագային



միտված միջպետական հարաբերություններ կառուցելու համար:

Հոկտեմբերի 27-ին Ֆայաստանի նախագահ Արմեն Սարգսյանը Սաուդյան Արաբիայից աշխատանքային այցով ուղեւորվել է Արաբական Միացյալ Եմիրություններ:

ԿԱՅԱՑԱՎ ՏԱՆՆ ԿԻԼԻԿԻՈ ՀԱՅՈՑ 21-ՐԴ ԿԱԹՈՂԻԿՈՍ ՊԱՏՐԻԱՐԺԻ ԳԱՐԱԿԱԼՈՒԹՅԱՆ ԱՐԱՐՈՂՈՒԹՅՈՒՆԸ



Հոկտեմբերի 24-ին, Բեյրութի Սուրբ Եղիա աթոռանիստ եկեղեցում տեղի ունեցավ Տանն Կիլիկիո Կաթողիկե Հայոց նորընտիր 21-րդ Կաթողիկոս Պատրիարք Ամեն. եւ Գեղք. Տ.Տ. Ռաֆայել Պետրոս ԻԱ նորընտիր Պատրիարքի գահակալության սրբազան արարողությունը:

Արարողությանը ներկա էին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի եւ Ն.Ս.Օ.Տ.Տ. Արամ

Առաքնորդ՝ Արի. Պետրոս Արք. Միրիաթյանը՝ Սինոդոսական Հայրերի հետ միասին:

Հիշեցնենք, որ սեպտեմբերի 23-ին Հայ Կաթողիկե Եկեղեցու Եպիսկոպոսաց սինոդոսի ընտրությունների արդյունքներով Տանն Կիլիկիո Կաթողիկե Հայոց 21-րդ Կաթողիկոս Պատրիարք է ընտրվել Արի. Տ. Ռաֆայել Արքեպս Մինասյանը:

Նորընտիր Կաթողիկոս Պատրիարքը ստացավ Ամենապատիվ եւ Գերերջանիկ Տ. Ռաֆայել Պետրոս 21-րդ Մինասյան անունը, ինչպես տեղեկացնում է Սուրբ Աթոռը:

Արի. Տ. Ռաֆայել Արքեպս Մինասյանը 2011թ. մինչ օրս Առաքնորդն է Հայաստանի, Վրաստանի, Ռուսաստանի, Ուկրաինայի եւ Արեւելյան Եվրոպայի Կաթողիկե Հայոց, հանդիսանում է «Հայկական Կարիտաս» բարեփոխական հասարակական կազմակերպության նախագահ:

ՀԱՅԱՍՏԱՆԻ ԲԱՐՈՋԱՅԻՆՈՒԹՅԱՆ ՄԱՅՄԱՆ ԺԱՄԿԵՆԵՐԸ ԿՐՃԱՏՎԵԼ ԵՆ



Հոկտեմբերի 27-ին Ֆայաստանի ազգային ժողովն առաջին ընթերցմամբ ընդունեց կառավարության ներկայացրած օրենքի նախագիծը, որով առաջարկվում է Ֆայաստանի քաղաքացիություն ստանալու դիմումների քննարկման ժամկետը կրճատել՝ 6 ամսվա փոխարեն, սահմանելով 90 աշխատանքային օր:

«Հայաստանի Հանրապետության քաղաքացիության մասին» օրենքում լրացումներ եւ փոփոխություններ կատարելու մասին օրենքի նախագիծն Աժ նիստում քվեարկությամբ ստացավ

58 «կողմ», 24 «ձեռնպահ» ձայներ: Նախագծով առաջարկվում է նաեւ Հայաստանում մշտապես բնակվող ազգությամբ հայերի եւ նախկին ԽՍՀՄ այլ հանրապետությունների քաղա-

քացիների համար Հայաստանի քաղաքացիության ճանաչման դիմում ներկայացնելու՝ օրենքով սահմանված ժամկետը երկարաձգել մինչեւ 2023-ի դեկտեմբերի 31-ը: Նախատեսվում է նաեւ Հայաստանի քաղաքացի հանդիսացող չափահաս զավակներ ունեցող անձանց իրավունք վերապահել Հայաստանի քաղաքացիություն ձեռք բերելու առանց Հայաստանում 3 տարի մշտական բնակության եւ հայերենով բացատրվելու կարողության պահանջի:

137 ՀԱՅՏ՝ «100 ԳԱՂԱՓԱՐ ՀԱՅԱՍՏԱՆԻ ՀԱՄԱՐ» ՄՐՑՈՒՅԹԻ 20 ԱՆՎԱՆԱԿԱՐԳԵՐՈՒՄ

Հոկտեմբերի 28-ին անցկացվեց «100 գաղափար Հայաստանի համար» նորարարական նախագծերի եւ գիտատեխնիկական մշակումների համահայկական մրցույթի կազմկոմիտեի նիստը:

Նիստում նշվեց, որ հայտարարված 20 անվանակարգերում ստացվել է 137 հայտ, որն աննախադեպ քանակ է մրցույթի պատմության մեջ:

Մրցույթի հայտերի ընդունման վերջնաժամկետը հոկտեմբերի 25-ն էր: Հանձնաժողովի նիստի օրակարգում քննարկվել եւ հաստատվել են հայտերի հիման վրա հայտերը գնահատող փորձագիտա-

կան հանձնաժողովի անդամների առաջարկման, հայտերի գնահատման համար ժամկետի սահմանման, հայտերի գնահատման եւ հարցողների որոշման կարգի հաստատման վերաբերյալ հարցերը:

Կազմկոմիտեի անդամները վերանայել են գնահատման չափանիշները, դրանց բովանդակությունը, դասակար-



գել գնահատման ցուցանիշները՝ ըստ դրանց կարելիության: Պայմանավորվածություն է ձեռք բերվել առաջիկայում կրկին հանդիպել՝ քննարկելու փուլային անելիքները:

ՀԱՐԿԱՆԵՐԻ ՏՈՒՐԸ՝ ՀՈԿՏԵՄԲԵՐԻ 27-Ի ՈՋՐԱԳՈՐԾՈՒԹՅԱՆ ԶՈՒՐԻ ՀԻՇՏԱԿԻՆ

Հայաստանի ազգային ժողովը հոկտեմբերի 27-ի նիստի մեկնարկին մեկ րոպե լռությամբ հարգեց 1999թ.-ի հոկտեմբերի 27-ի ոճրագործության զոհերի հիշատակը:

Հիշեցնենք, որ 1999 թվականի հոկտեմբերի 27-ին Նաիրի Հունանյանը, եղբոր, քեռու եւ մի քանի այլ անչանց հետ իրականացրել են Հայաստանի Ազգային ժողովի վրա հարձակումը, որը տեղի է ունեցել կառավարության անդամների ներկայությամբ հերթական նստաշրջանի ընթացքում: 21 տարի առաջ տեղի ունեցած ահաբեկչությանը զոհ են գնացել 8 պետական գործիչներ՝ վարչապետ Վազգեն Սարգսյանը, Աժ նախագահ Կարեն Դեմիրճյանը, փոխխոսնակներ Յուրի Բախշյանն ու Ռուբեն Միրոյանը, Օպերատիվ հարցերի նախարար Լեոնարդ Պետրոսյանը, պարզամակրոներ Արմենակ Արմենակյանը, Հենրիկ Աբրահամյանը եւ Միքայել Բոթանյանը:

ՀԱՅԱՍՏԱՆՈՒՄ ԲԱՅՎԵԼ Է ՎԱՏԻԿԱՆԻ ՆԱԽԱԿԱՆՈՒԹՅՈՒՆԸ

Հոկտեմբերի 27-ին երեւանում կայացավ Հայաստանում Սուրբ Աթոռի առաքելական նվիրականության բացման արարողությունը:

Նվիրականության բացման արարողությունը կայացել է Հայաստանի արտաքին գործերի նախարար Արարատ Միրզոյանի եւ Սուրբ Աթոռի պետքարտուղարի ընդհանուր հարցերով փոխանորդ Էդգար Պենյա Պառայի մասնակցությամբ:

Մինչ նվիրականության բացման արարողությանը, Հայաստանի ԱԳ նախարարն ու Սուրբ Աթոռի պետքարտուղարի ընդհանուր հարցերով փոխանորդը հանդես են եկել մամուլի համար հայտարարություններով, տեղի է ունեցել երկու նամակահիշով նոր գեղարվեստի մարում «Հռոմի քահանայապետների առաքելական այցերը Հայաստան ուղևորագնացությունն առաջին քրիստոնյա երկիր» թեմայով:

ԵՎՐԱՄԻՈՒԹՅՈՒՆԸ ՀԱՆԱԳԵՑ ՀԱՅԱՍՏԱՆԻ COVID ՀԱՎԱՍՏԱԳԻՐԸ

Եվրոպական Միությունը ճանաչեց Հայաստանում եւ Մեծ Բրիտանիայում տրված կորոնավիրուսային հավաստագրերը: Եվրոպական Միության մեջ նշված է, որ երկու երկրները կմիացվեն եվրամիության հավաստագրերի տրման համակարգին, եւ նրանց հավաստագրերը «կընդունվեն այն նույն պայմաններով, ինչպես որ ԵՄ-ի հավաստագրերը»: Հայաստանը եւ Մեծ Բրիտանիան, իրենց հերթին կճանաչեն եվրոպական կորոնավիրուսային հավաստագրերը: Նշվում է, որ ընդունված որոշումներն ուժի մեջ են մտել հոկտեմբերի 29-ից:

ԿԱՅՎԱՅՎՐ ՀԱՍՏԱԳԵՏԱԿԱՆ ԱՇԽԱՏԱՅԻՆ ՄԱՐԱՏՈՒԹՅՈՒՆ

Հայաստանում «10 մլն ծառ» նախաձեռնության շրջանակում նոյեմբերի 14-ին կանցկացվի համապետական աշնանային ծառատուն, որի ընթացքում նախատեսվում է տնկել շուրջ 260 հազար ծառ, որից 200 հազարը «Հայաստան» տնկատնային տարբեր մասնաճյուղերում, 50 հազարը տրամադրվելու է տարբեր տեղական ինքնակառավարման մարմիններին:

Ծառատունին զուգահեռ, «Հայաստան»-ն ուշադրության կենտրոնում է պահում ապօրինի անտառահատումների խնդիրը: 2020 թվականին ապօրինի ծառահատումների քանակը եղել է 9 հազար 711, 2021 թվականի ընթացքում 9 հազար 86:

ԵԿԵՂԵՑԱԿԱՆ

ՆՈՅԵՄԲԵՐ



6.11.2021 Յրեշտակապետներ Գարրիկի եւ Միքայելի ու ողջ երկնային զորքի հիշատակության օր

Հայ եկեղեցու Յրեշտակապետության համաձայն՝ հրեշտակներն անմարմին գոյացություններ են, իմացական, անձնիշխան, մշտաշարժ, անսեռ, անմահ եւ սպասավոր Աստծուն: Ըստ եկեղեցու սուրբ հայրերի՝ հրեշտակները, իբրեւ լուսեղեն էակներ, ստեղծվել են արարչագործության առաջին օրը՝ լուսի հետ միասին: Աստծո հրահանգով նրանք կոչված են սպասավորելու մարդ արարածին: Հետեւաբար նրանք սպասավոր հոգիներ են, որոնք երկնաբնակ լինելով հանդերձ, իրենց մասնակցությունն են բերում նաեւ երկրավոր կյանքի ընթացքին, զործում են ժամանակի եւ տարածքի մեջ ապրող մարդու հետ, մարդու համար: Յրեշտակներին անվանում են նաեւ Աստծո պատգամավորներ, որոնք իրականացնում են Տիրոջ կամքը:

ՆՈՐՈՒՅՑ

ԱՐԴԱՐԱՊԱՏՈՒԹՅԱՆ ՏԱՆ ԱՅՅԵԼՈՒԹՅՈՒՆԸ՝ ԱՌԱՆՅՆԱԽԱԿԱՆ ԱՄՐԱԳՐՄԱՆ



Հոկտեմբերի 25-ից Արդարադատության տներում, ցանկացած ծառայության համար, նախապես ամրագրումը չեղարկվել է:

Արդարադատության տան տարածած տեղեկատվության մեջ նշված է, որ ամրագրման չեղարկումը կապված է Արդարադատության տների կողմից մատուցվող պետական ծառայությունների քանակի ավելացման հետ:

«Նաեւ, ամրագրման չեղարկումը կապված է քաղաքացիների կողմից պետական ծառայություններից արագ մուտք գործելու պահանջի մեծացման հետ, ինչի պատճառով Արդարադատության տուն այցելելու համար պահանջվել է առնվազն մեկ շաբաթ սպասել: Հերթի կառավարումն իրականացվում է՝ հաշվի առնելով COVID կարգավորումները: Դրանց թվում սպասման ռեժիմն ապահովված է բացօթյա տարածքում:

Արդարադատության տունը քաղաքացիների հոսքն իրականացնում է անենակարճ ժամկետներում. Ամրագրման չեղարկման առաջին իսկ օրը՝ ժամը 12:30-ին, Արդարադատության տունն արդեն սպասարկել է ավելի քան 2600 հաճախորդի, ինչը նախնական ամրագրման պայմաններում հնարավոր է եղել միայն ժամը 16:00-ին: Արդարադատության բոլոր տների ինտերիերը հագեցված է թերմոսկրինինգի ժամանակակից սարքավորումներով, հեռավարության պաշտպանության ցուցիչներով, եւ պահպանված են բոլոր համապատասխան կանոնակարգերը»,- ասված է Արդարադատության տան հաղորդագրության մեջ:

ՀԻՆԸ ԹԲԻԼԻՍԻ ՄԱՍԻՆ



ՕՏԱՐ, ԱՄԱՅԻ ՃԱՄՓԵՔԸ ԱՅՍ ԱՆԳԱՍ ԲԵՐԵԼ ԷԻՆ ԹԲԻԼԻՍԻ

Հայաստանի հանրային հեռուստաընկերությամբ հեռարձակվող եւ Համահայկական աշխարհազրական ասոցիացիայի կողմից մերկայացվող «Օտար, ամայի ճամփեքի վրա» հաղորդաշարի 714, 715, 716 եւ 717 թողարկումները պատմում են Վրաստանում, մասնավորապես՝ Թբիլիսիում հայկական հետքի ու ներկայիս հոգեւոր, կրթական ու մշակութային կարեւոր օջախների, այդ թվում՝ հայկական եկեղեցիների, Հայ գրողների եւ հասարակական գործիչների «Խոջիվանքի» պանթեոնի, Պ.Աղամյանի անվան պետական հայկական դրամատիկական թատրոնի, «Վրաստան» թերթի, Հովհաննես Թումանյանի տան եւ «Հայարտուն» կենտրոնի մասին:

Հաղորդումների մեջ ներկայացված են հայաշատ թաղամասերն ու Թբիլիսիում ծնված կամ ապրած անվանի հայերի հասցեներն ու թեմայի շուրջ ճանաչված «Միասին» ՀԿ ղեկավար, հասարակական գործիչ Լեւոն Զիդիլյանի տրամադրած արխիվային ու արժեքավոր լուսանկարները: Ի դեպ, հենց նրան էր նվիրված Համահայկական աշխարհազրականի շրջանակներում պատրաստվող մեկ այլ «Մերոնք» հաղորդման հերթական թողարկումը, որը եթեր արձակվեց անցած շաբաթ (հասանելի է համացանցում):

«Վրաստանի» ընթերցողին հայտնենք, որ «Մե-

րոնք» հաղորդաշարի հաջորդ թողարկումները նվիրվելու են Թբիլիսիի Վանո Սարաջիշվիլու անվան պետական կոնսերվատորիայի պրոֆեսոր Էռնեստ Առաքելովին եւ ըմբշամարտի ասպարեզում Վրաստանի վաստակավոր մարզիչ Վիլյամ Խարազովին: Նշենք, որ «Մերոնք» հաղորդումը եթեր է արձակվում Հայաստանի հանրային հեռուստաընկերությամբ յուրաքանչյուր երկուշաբթի, հայաստանյան ժամանակով՝ մետրային ալիք՝ ժամը 14:10 եւ արբանյակային ալիք՝ ժամը 13:55-ին:

«ՎՐԱՍՏԱՆ»

ՖՈՒՏԲՈԼ

ԿՈՏԵ ՄԱԽԱՐԱԶԵԻ ՀՈՒՇԱՄՐՑԱՇԱՐՈՒՄ ՀԱՅԱՍՏԱՆԻ ԼՐԱԳՐՈՂՆԵՐԻ ԹԻՄԸ՝ ԱՐԾԱԹԵ ՄԵԴԱԼԱԿԻՐ

Հոկտեմբերի 29-ին Թբիլիսիում անցկացվեց խորհրդային անվանի մարզական հեռուստամեկնարան Կոտե Մախարաձեի հիշատակին նվիրված, ֆուտբոլի լրագրողների միջազգային մրցաշար:



Արդեն երկրորդ անգամ անցկացվող մրցաշարին այս տարի մասնակցեցին Վրաստանի, Հայաստանի, Լիտվայի, Մոլդովայի, Ուկրաինայի (Կիևի եւ Օդեսայի հավաքականների կազմով), Ղազախստանի եւ Ադրբեջանի լրագրողական ընտրանիները: Թիմերը բաժանված կլինեն երկու խմբերի, ընդ որում, Հայաստանի եւ Ադրբեջանի հավաքականներն ընդգրկվեցին տարբեր խմբերում եւ այդ թիմերի հնարավոր հանդիպումը կկայանար միմյան եզրափակչում: Յուրաքանչյուր հանդիպման տեսլությունը 20 րոպե էր:

Խմբային մրցաշարում Հայաստանի լրագրողների հավաքականը՝ 4:3 հաշվով առավելության հասավ Կիևի հավաքականի նկատմամբ, Օդեսայի թիմի հետ հանդիպումն ավարտեց ոչ ոքի՝ 3:3 եւ խմբում գրավեց առաջին տեղը:

Կիսաեզրափակչում Վրաստան-Հայաստան հան-

դիպումն ավարտվեց 3:4 հաշվով հօգուտ հայ լրագրողների: Երրորդ տեղի համար պայքարում Վրաստանի թիմը՝ 3:4 հաշվով զիջեց Կիևի լրագրողների հավաքականին: Իսկ մրցաշարի եզրափակչում Հայաստանի լրագրողների թիմը՝ 3:4 հաշվով զիջեց Մոլդովայի թիմին, որն էլ դարձավ մրցաշարի հաղթող: Հայաստանի թիմը երկրորդն էր, Կիևինը՝ երրորդը, իսկ տանտերերը բավարարվեցին չորրորդ հորիզոնականով:

Նշենք, որ Վրաստանի Ֆուտբոլային մրցաշարի կազմակերպիչը Վրաստանի մարզական լրագրողների ասոցիացիան է: Միջազգային մրցաշարին Հայաստանի լրագրողների ֆուտբոլի հավաքականի մասնակցության հովանավորը TotoGaming բուքմեյքերական ընկերությունն է:

	1	2	3	4	5	6
7				8	9	
			10		11	12
	13	14		15		
16			17			
		18			19	20
	23	24		25	26	
27				28		
		29	30	31		
32			33		34	35
		36			37	38
39			40	41		42
		43			44	
45			46		47	
		48			49	

Խ Ա Չ Բ Ա Ռ

ՀՈՐԻԶՈՆԱԿԱՆ. 7.Սիրել, հարգել: 8.Ուժը կորցրած: 10.Իտալական ծագումով ֆրանսիացի դերասան ... Վենետուրա: 11.Թունավոր դողոշ: 13.Նիգերիայի մայրաքաղաքը: 15.Նույնն ասել: 16.Նեխում: 17.Վիճակախաղ: 19.Բանիմաց, խելացի: 23.Ավարտում, կազմ ու ...: 26.Վրաց ֆուտբոլիստ: Եւ մարզիչ Ալեքսանդր Զիվաձե: 27.Ստորգետնյա տրանսպորտ: 28.Փայտի մանր կտորտանք: 29.Զիմացված (ժող.): 32.Էլեկտրական հոսանքի միակողմ հաղորդականությամբ էլեկտրավակուումային, իոնային կամ կիսահաղորդչային երկէլեկտրոդ սարք: 33.Քաղաք Յուսիսային Օսեթիայում: 36.Լուսանկարիչ ... Քարամյան: 37.Գրաբարյան նախդիր: 39.Քաղաք Ավստրիայում: 40.Անկողնու գլխատեղը: 42.Ունկ: 43.Մաքուր, հստակ (ժող.): 44.Անեկդոտային նապաստակ: 45.Թաղամաս Թբիլիսիում: 46.Մեկ գերիշխանության ներքո մի շարք միապետությունների միավորման ձեւ: 47.Իսպա-

նացի գրող Միգել դը Սերվանտեսի լավագույն գործը համանուն հերոսի մասին ... Քիշոտ: 48.Ազգ ՌԴ-ում: 49.Իտալացի կինոդերասանուհի Օռնելա ...:

ՈՐԿՐԱԶՄՅԱԺ. 1.Մետաղի վարպետ: 2.Փրթում, կտրատում: 3.Լինել (արեւմտ.): 4.....Պետերբուրգ: 5.«Ջրի գին»: 6.Խղճալ: 9.Սարքին: 12.Գեղեցիկ շինված՝ կառուցված: 14.Խորհրդային բանաստեղծ, երգահան ... Օկուլցավա: 18.Շվեդիայի նախկին դրամը: 20.Հայ ծովակալ: 21.....տուշ: 22.Չոլախ: 23.Բորբոսասկերից պատրաստվող բուժական պատրաստուկ: 24.Ավանդական: 25.Գոտեմարտի տեսակ: 30.Խելացի: 31.Նույն ազգի մարդ: 34.Թութակի տեսակ: 35.Ծագումով մեքսիկացի ամերիկացի դերասան, գրող եւ նկարիչ ... Քուլին: 38.Քաղաք Լեհաստանում: 41.Իմաստություն եւ ողջախոհության դիցուհին հայոց հեթանոսական կրոնում:

Կազմեց ԷԼԼԱ ԱՐԱՐԵԿՅԱՆԸ

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 1.Հոմերոս: 5.Դոլիձե: 9.Ամոքել: 11.Գուցե: 12.Տակ: 13.Աղամո: 15.Արդա: 17.Նամի: 19.Ալ: 20.Երեկ: 21.Ան: 22.Շալախ: 24.Ախտ: 25.Թամար: 28.Խթանի: 30.Գեղարդ: 31.Տանձ: 33.Որդ: 34.Ամենա: 36.Թթեմի: 39.Ալաբամա: 40.Քանոն: 41.Իկո: 42.Իվան: 44.Քանակ: 46.ՄԱԿ: 49.Երեք: 51.Նեռ: 53.Երախ: 54.Լարս: 55.Մարս: 56.Շեր: 57.Անհետ: 59.Նա: 60.Հավանա: 61.Սիգմա: 62.Իվետա: **ՈՐԿՐԱԶՄՅԱԺ.** 2.Որոտան: 3.Երեկ: 4.Սամուն: 5.Դարյալ: 6.Լագոդեյի: 7.Երեմական: 8.Մանանա: 10.Քամի: 14.Դանթե: 16.Արտ: 18.Սարդ: 19.Ախթամար: 22.Շարդեմի: 23.Ախտա: 24.Անճանական: 26.Աղոթք: 27.Մարթա: 29.Անելիք: 30.Գիլգամեշ: 32.Դիմակ: 35.Աբոնեմենտ: 37.Նովել: 38.Ինարա: 45.Առատ: 47.Արեմի: 48.Կարագ: 50.Քսանի: 52.Կսկիծ: 58.Նավ:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՈՐՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՉՅԱՆ

Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅԵՄՈ: ՄԶՈԼՈՆՈ 0105, ՃԱՄԲԵՔՈՆ ՄՅՅԱ 5, Մեր հասցեն՝ Թբիլիսի 0105 Գ.Աթոնելի փ. 5
 ԹՅՅԸ. Հեռ. 2990-739, 2990-774
 www.vrastan.ge E-mail: vrastan.press@gmail.com
 Գրանցման վկայական № 4 Կ - 1439
 «ԿՈՆՈՐ» հրատարակչություն

«ՅՐԱՆԵՅՈՆ»
 ՄԶՈԼՈՆՈ, ՆԱՅՅԵՄՅԵՄ
 "ВРАСТАН"
 Тбилиси, Грузия
 <VRASTAN>
 Georgia, Tbilisi
 Индекс 66445